
CABINET Y CYNGOR
COFNODION
Mehfin 10fed 2014

Yn bresennol – Y Cyngorydd Dyfed Edwards (Cadeirydd)
Y Cyngorwyr – Gareth Thomas, Ioan Thomas, Peredur Jenkins, John Wynn Jones, R H Wyn Williams, W Gareth Roberts, John Wyn Williams.

Hefyd yn bresennol – Dilwyn Williams (Darpar Brif Weithredwr), Dafydd Edwards (Pennaeth Cyllid), Iwan Trefor Jones (Cyfarwyddwr Corfforaethol), Dilys Phillips (Swyddog Monitro), Morwena Edwards (Cyfarwyddwr Corfforaethol), Gwenan Parry (Pennaeth Adran Oedolion, Iechyd a Llesiant), Rhoslyn Prys (Rheolwr Gwireddu Plant a Phobl Ifanc), William Jones (Uwch Reolwr Cyllid), Gareth Jones (Rheolwr Prosiect), Garem Jackson (Swyddog Gwella Ansawdd Addysg), Bob Thomas (Arweinydd Tîm (Uned Polisi Cynllunio ar y Cyd - Gwynedd a Môn), Aled Davies (Pennaeth Rheoleiddio), Rhian Tomos (Arweinydd Tîm Cefnogi'r Cabinet).

Fel Aelod Lleol: Y Cyng. Peter Read ar gyfer eitem 6

1. CROESAWU/YMDDIHEURIADAU

Croesawyd yr aelodau Cabinet, yr aelod lleol, aelodau'r Wasg a'r swyddogion i'r cyfarfod.

2. DATGAN BUDDIANT PERSONOL

Datganodd y Cyngorydd Peredur Jenkins fuddiant personol yn Eitem 6 oherwydd ei fod yn aelod o Fwrdd Llywodraethwyr Ysgol y Gader Dolgellau. Roedd yr Aelod o'r farn nad oedd yn fuddiant oedd yn rhagfarnu ac ni adawodd y Siambr yn ystod y drafodaeth ar yr Eitem.

3. MATERION BRYD

Nid oedd unrhyw faterion brys.

4. MATERION YN CODI O BWYLLGORAU CRAFFU

Nid oedd unrhyw fater yn codi o bwyllgorau craffu.

5. COFNODION

Llofnododd y Cadeirydd gofnodion cyfarfod y Cabinet a gynhaliwyd ar Mai 20fed 2014.

6. DYFODOL DARPARIAETH ADDYSG ANGHENION ARBENNIG YM MEIRIONNYDD A DWYFOR

Cyflwynwyd yr adroddiad gan y Cyng. Gareth Thomas, Aelod Cabinet Addysg.

PENDERFYNIAD:

- Ymgymryd â phroses ymgynghori statudol yn unol â gofynion Deddf Safonau a Fframwaith Ysgolion (Cymru) 2013 i ail-leoli Ysgol Hafod Lon ac Uned Tŷ Aran i safle newydd ym Mhenrhyndeudraeth ar 1 Medi 2016
- Cynyddu capasiti yr ysgol
- Ychwanegu elfen breswyl i'r ddarpariaeth

7. CYFRIFON TERFYNOL 2013/14 – ALLDRO REFENIW

Cyflwynwyd yr adroddiad gan y Cyng. Peredur Jenkins, Aelod Cabinet Adnoddau.

PENDERFYNIAD:

- 1.1 Nodi sefyllfa ariannol derfynol adrannau'r Cyngor am 2013/14.
- 1.2 Cymeradwyo'r symiau i'w cario 'mlaen, lle'n briodol, gan gynnwys cymeradwyo i'r Adran Ymgynghoriaeth gael cario'r tanwariant llawn o £120k ymlaen i'r flwyddyn ariannol newydd, fel eithriad i'r arfer o'i gyfyngu i £100k, oherwydd natur masnachol y gwasanaeth a lefel anrhagweladwy ei incwm.
- 1.3 Cymeradwyo'r trosglwyddiadau ariannol canlynol
 - £32k o gronfa tanwariant yr Adran Gwasanaethau Cymdeithasol, ynghyd a
 - £262k o gronfa gorfforaethol neilltuwyd ar gyfer gorwariant posib yn y maes, a
 - £130k o'r arbedion un-tro yn dilyn o ail strwythuro uwch reolaeth perthnasol – i glirio gorwariant £424k Gwasanaethau Cymdeithasol yn 2013/14, a rhoi dechrau di-ddyled i'r ddwy bennaeth adran newydd ar gychwyn 2014/15
 - £15k o danwariant yr Adran Gofal Cwsmer i'w neilltuo er mwyn creu cronfa costau diswyddo penodol, i baratoi ar gyfer newidiadau posibl i gontractau glanhau.
 - £191k o'r tanwariant ar Gynlluniau Arbedion Trawsadrannol ar sail un-tro i'r Gronfa Diswyddo corfforaethol
 - £243k o'r Gyllideb Wrth Gefn i ariannu cost ychwanegol o ddarparu ar gyfer dyledion drwg
 - £235k o'r Gyllideb wrth Gefn i wneud iawn am y gostyngiad mewn incwm llog, oherwydd tueddiad cyffredinol y farchnad buddsoddi
 - £221k o ad-daliad ychwanegol dderbyniwyd ar fuddsoddiad Banc Heritable (dyled "Gwlad yr Ia") i'r Gronfa Buddsoddi i Arbed
 - £851k o'r "gweddill" un-tro o Dreth Cyngor casgladwy i'r Gronfa Ddiswyddo corfforaethol

- £579k o'r Gyllideb Arbedion a Wireddwyd Ymlaen Llaw i gronfa benodol ar gyfer cynorthwyo Strategaeth Ariannol 2014/15, a
- £752k o'r Gyllideb Arbedion a Wireddwyd Ymlaen Llaw i'r Gronfa Buddsoddi i Arbed
- £90k o'r Gyllideb Wrth Gefn i gronfa benodol ar gyfer cost sefydlu'r Drefn Gwynion newydd, a
- £164k o'r Gyllideb Wrth Gefn i'r Balansau Cyffredinol
- £295k o'r darpariaeth oedd heb ei ymrwymo ar sail un-tro i'r Gronfa Hyfforddi Staff
- £87k o'r "gweddill" un-tro ar amrywiol benawdau corfforaethol eraill i'r Balansau Cyffredinol
- £1.727m o'r Cyfrif Cyllid Tai i'w neilltuo, am y tro, mewn cronfa benodol, gyda golwg ar ei ddefnyddio er mwyn lleihau'r rhwymedigaeth pensiwn a etifeddwyd yn anochel wrth drosglwyddo'r stoc tai

1.4 Nodi'r gostyngiad yn lefel y cyfanswm o gronfeydd penodol, a'r cynnydd ymylol yn lefel balansau cyffredinol y Cyngor yn ystod 2013/14.

8. RHAGLEN GYFALAF 2013/14 – ADOLYGIAD DIWEDD FLWYDDYN

Cyflwynwyd yr adroddiad gan y Cyng. Peredur Jenkins, Aelod Cabinet Adnoddau.

PENDERFYNIAD:

Derbyn yr adroddiad ar adolygiad diwedd blwyddyn (sefyllfa 31 Mawrth 2014) y rhaglen gyfalaf, a chymeradwyo ariannu addasedig, sef:

- cynnydd £736,000 mewn benthyca heb gefnogaeth;
- cynnydd £578,000 mewn defnydd o grantiau a chyfraniadau;
- cynnydd £138,000 mewn defnydd o dderbyniadau cyfalaf;
- cynnydd £341,000 mewn defnydd o gyfraniad refeniw;
- lleihad £377,000 mewn defnydd o gronfeydd.

9. ADRODDIAD BLYNYDDOL PANEL STRATEGOL DIOGELU PLANT AC OEDOLION

Cyflwynwyd yr adroddiad gan y Cyng. R H Wyn Williams, Aelod Cabinet Gofal.

PENDERFYNIAD:

Cymeradwyo'r camau sydd wedi eu cymryd i wireddu Polisi Strategol y Panel Strategol Diogelu Plant ac Oedolion a gymeradwywyd gan y Cabinet ym mis Mawrth 2013 gan bwysleisio'r angen i brofi fod gweithredu'r camau yn cael yr effaith briodol.

10. CANLLAW CYNLLUNIO ATODOL YNNI GWYNT AR Y TIR

Cyflwynwyd yr adroddiad gan y Cyng. John Wyn Williams, Aelod Cabinet Cynllunio.

PENDERFYNIAD:

Argymhell bod y newidiadau yn cael eu hymgorffori yn y Canllaw Cynllunio Atodol a'i fod yn cael ei fabwysiadu gan y Cyngor i gael ei ddefnyddio fel ystyriaeth berthnasol wrth ymdrin â cheisiadau cynllunio am Dyrbinau Gwynt ar y Tir o fewn Ardal Awdurdod Cynllunio Gwynedd.

Dirprwyo'r hawl i gywiro unrhyw wallau ieithyddol ac ail rifo paragraffau o fewn y ddogfen derfynol cyn ei fod yn cael ei argraffu a'i osod ar safle we y Cyngor, yn y swyddfeydd perthnasol ac mewn llyfrgelloedd cyhoeddus.

11. TREFN GWYNION

Cyflwynwyd yr adroddiad gan y Cyng. Ioan Thomas, Aelod Cabinet Gofal Cwsmer.

PENDERFYNIAD:

Mabwysiadu trefn gwynion newydd i'r Cyngor.

Dechreuodd y cyfarfod am 1 o'r gloch a daeth i ben am 3 o'r gloch.

CADEIRYDD